



Na prijelazu Popovi kontrolom vozila otkriveni pištolj i municija

Pripadnici Jedinice granične policije Bijeljina i Jedinice za podršku i kontrolu Terenskog ureda Sjeveroistok Bijeljina Granične policije BiH, 1. decembra 2020. godine, otkrili su pištolj marke „Zastava“ 6,35 mm i okvir od navedenog pištolja u kome se nalazilo sedam metaka prilikom detaljnog pregleda vozila, bh. nacionalnih oznaka. Vozilom je upravljao E.C. (1973.), državljanin Bosne i Hercegovine i Republike Srbije, koji je kontroliran na izlasku iz BiH na Međunarodnom graničnom prijelazu Popovi. Prema naredbi tužioca Okružnog javnog tužilaštva u Bijeljini, protiv E.C. bit će dostavljen izvještaj o počinjenom krivičnom djelu „nedozvoljena proizvodnja i promet oružja ili eksplozivnih materija“. Pištolj i municija, koji su pronađeni u pretincu, privremeno su oduzeti.

Dvojica bh. državljana lišena slobode

Službenici JGP Gradiška, 1. decembra 2020., lišili su slobode G.M. (1980.), državljanina BiH. Graničnim provjerama je utvrđeno da ga potražuje Osnovni sud u Tesliću zbog krivičnog djela „utaja“. Kontroliran je na ulasku u BiH na prijelazu Gradiška i predat službenicima Sudske policije Doboj.

Istoga dana, pri izlasku iz BiH na prijelazu Brod lišen je slobode A.DŽ. (1971.) jer je za njim Policijska uprava Gračanica raspisala potragu zbog krivičnog djela „izbjegavanje izdržavanja“. Službenici JGP Brod, bh. državljanina su predali službenicima PU Gračanica.

Odbijen ulazak u BiH šesterici državljana Turske

Službenici Jedinice granične policije Aerodrom Sarajevo, 1. decembra 2020., na letu iz Istanbula nisu dozvolili ulazak šesterici državljana Republike Turske zbog neispunjavanja uvjeta za ulazak u našu zemlju. Stranim državljanima uručena su rješenja o razlogu odbijanja ulaska u BiH. Narednim letom bit će vraćeni u Istanbul.

COVID-19 Prelazak državne granice Bosne i Hercegovine	>
PRIJAVE GRAĐANA (žalbe, korupcija, prekogranični kriminal)	>
ZAKON O SLOBODI PRISTUPA INFORMACIJAMA Vodič: kako do informacija	>
NAJČEŠĆE POSTAVLJENA PITANJA	>
JAVNE KONSULTACIJE	>



[O nama](#)

[Propisi](#)

[Informacije za građane](#)

[Odnosi s javnošću](#)

[Oglasi](#)

[Javne nabavke](#)

[Fotogalerija](#)

[Kontakti](#)

Pratite nas na društvenim mrežama

